



陳抄本校過

己與

子史鈎沈

王粲英雄記

曹操

甘泉黃奭學

逸書考

曹操與劉備密言備泄之於袁紹紹知操有圖已之意操自咋其舌流血以失言戒後世

藝文十七又御覽三百六十九

建安中曹操於南皮攻袁譚斬之操作鼓吹

自稱萬歲於馬上舞十二年攻烏桓踰頓一

戰斬蹋頓首繫馬鞍於馬抃舞御覽五百七十四又水經

王粲英雄記

大遼水注引曹操於是擊馬
鞍於馬上作十片語有脫誤

曹操進軍至江上欲從赤壁渡江無船作竹

俾使部曲乘之從漢水來下大江注浦口未

即渡周瑜又夜密使輕舸百艘燒棹操乃夜

走御覽七百七十一

曹公赤壁之敗至雲夢大澤遇大霧迷道書鈔

一百五十一又初學記卷二引無之字

建安七年鄴中大飢米一斛二萬錢御覽三十五

曹純

純字子和年十四而喪父與同產兄別居承

父業富於財僮僕人客以百數純綱紀督御

不失其理鄉里咸以為能好學問敬愛學士

學士多歸焉由是為遠近所稱年十八為黃

門侍郎二十從太祖到襄邑募兵遂常從征

戰魏志曹仁傳注又藝文四十八引曹純字

和年十四喪父業富於財使人僮僕以百數

純綱紀督御之不失其理好樂學問愛敬學

士學士多歸焉由是為遠近所稱年十六為

黃門郎案太祖二字係後人所改案時不得稱太祖當稱曹公

御

周恣伍瓊

恣字仲遠武威人瓊字德瑜汝南人

魏志董卓傳注

又後漢書董卓傳注引無汝南人三字

橋瑁

瑁字元偉立族子先為兗州刺史甚有恩惠

魏志武帝紀注又後漢書袁紹傳注引瑁上立上並有橋字

董卓

卓父君雅由微官為潁川綸氏尉有三子長

子擢字孟高早卒次即卓卓弟旻字叔穎

魏志

董卓傳注

卓數討羌胡前後百餘戰

全上

河南中部椽閔貢扶帝及陳留王上至雒舍

止帝獨乘一馬陳留王與貢共乘一馬從雒

舍南行公卿百官奉迎於北芒阪下故太尉

崔烈在前導卓將步騎數千來迎烈呵使避

卓罵烈曰晝夜三百里來何云避我不能斷

卿頭邪前見帝曰陛下令常侍小黃門作亂

乃爾以取禍敗為負不小邪又趨陳留王曰

我董卓也從我抱來乃於貢抱中取王全上

注云英雄記曰一本云王不就卓抱卓與王併馬而行也

董卓謂王允曰欲得一快司隸校尉誰可作

者允曰唯有蓋勳元周京兆耳卓曰此明智

有餘不可假以雄職御覽三百五十三

董卓攻得李昊張安畢生疑於范鮑刻本

生乃同日烹御覽六百四十五二人臨入鼎相謂曰不同日

董卓在顯陽苑請官僚共議欲有廢立謂袁

王苑中案范史

光初三年作畢王苑

紹曰劉氏之種不足復遺袁紹曰漢家君天下四百許年恩澤深渥兆民戴之恐衆不從公議卓曰天下之事豈不在我我令爲之誰敢不從紹曰天下健者不唯董公紹請立觀之橫刀長揖而去坐中皆驚愕時卓新至見紹大家故不敢害後漢書袁紹傳注引紹揖卓去坐中驚愕卓新卓於是遂策廢皇太后遷之永安宮其夜崩廢皇帝史侯爲宏農王立陳留王爲皇帝卓聞東方州郡謀欲舉兵恐其以

宏農王為主乃置王閣上薦之以棘召王太
傅責問之曰宏農王病困何故不白遂遣兵
迫守大醫致藥即日宏農王及妃唐氏皆薨

御覽九
十二

卓侍妾懷抱中子皆封侯弄以金紫孫女名
白時尙未笄封為涓陽君於郿城東起壇從
廣二丈餘高五六尺使白乘軒金華青蓋車
都尉中郎將刺史二千石在郿者各令乘軒
簪筆為白導從之壇上使兄子璜為使者授

印綬

魏志董卓傳注又御覽二百二引董卓
孫女名白起郿城下無東字白乘下無

軒字末
有也字

郿去長安二百六十里

全上

時有謠言曰千里草何青青十日上猶不生
又作董逃之歌又有道士書布為呂字以示
卓卓不知其為呂布也卓當入會陳列步騎
自營至宮朝服導引其中馬躓不前卓心怪
欲止布勸使行乃衷甲而入卓既死當時日
月清淨微風不起旻璜等及宗族老弱悉在

郿皆還為其羣下所斫射卓母年九十走至
塢門曰乞脫我死即斬首袁氏門生故吏改
殞諸袁死於郿者斂聚董氏尸於其側而焚
之暴卓尸於市卓素肥膏流浸地草為之丹
守尸吏暝以為大炷致卓臍中以為燈光明
達旦如是積日後卓故部曲收所燒者灰并
以一棺棺之葬於郿卓塢中金有二三萬斤
銀八九萬斤珠玉錦綺奇玩雜物皆山崇阜
積不可知數

魏志董卓傳注又後漢書董卓傳注引有道士書布以為呂字

卓

呂

持以示卓卓不知其為呂布也又引卓母年
九十走至塢門曰乞脫我死即時斬首又藝
文八十三引董卓郿塢有金二三萬斤御覽
八百十一事類賦金引同御覽並無郿字
昔大人見臨洮而銅人鑄臨洮生卓而銅人
毀世有卓而大亂作大亂作而卓身滅抑有

以也

魏志董卓論注

京師謠歌咸言河臘叢進獻帝臘日庄也風
俗通曰烏臘烏臘案逆臣董卓滔天虐民窮
凶極惡關東舉兵欲共誅之轉相顧望莫肯
先進處處停兵數十萬若烏臘蟲相隨橫取

先

之矣

後漢書五行志一注

太祖作董卓歌辭云德行不虧缺變故自難

常鄭康成行酒伏地郭景圖命盡於園桑

魏志

袁紹傳注按歌辭不合董卓疑有誤

何苗

苗太后之同母兄先嫁朱氏之子

語有脫誤進步

曲將吳匡素怨苗不與進同心又疑其與宦

官同謀乃令軍中日殺大將軍者車騎也遂

引兵與卓弟旻共攻殺苗於朱爵闕下

魏志董卓

嫁

注傳

卓欲震威侍御史擾龍宗詣卓白事不解劔

立搗殺之京師震動發何苗棺出其尸枝解

節弃於道邊又收苗母舞陽君殺之弃尸於

苑枳落中不復收斂

全上

李傕郭汜

傕北地人汜張掖人一名多

魏志董卓傳注又後漢書董卓

傳注引傕北地人

李傕等相攻戰長安中盜賊不禁白日虜掠

是時穀一斛五十萬豆麥二萬人相食啖白

骨委積鼻穢滿路御覽三十五又書鈔一百五十六陳禹謨補引李催

至人相食

楊奉韓暹

備劉備誘奉與相見因於坐上執之暹失奉

勢孤時欲走還并州為杼秋屯帥張宣所邀

殺魏志董卓傳注

丁原

原字建陽本出自寒家為人麤略有武勇善

騎射為南縣吏受使不辭難有警急追寇虜

輒在其前裁知書少有吏用魏志呂布傳注又後漢書董卓

傳注引至輒在前止無本出自寒家句勇上無武字射上無騎字無為南縣吏四字辭下

末七字

呂布

郭汜在城北布開城門將兵就汜言且卻兵

但身決勝負汜布乃獨共對戰布以矛刺中

汜汜後騎遂前救汜汜布遂各兩罷魏志呂布傳注

諸書布以四月二十三日殺卓六月一日敗

走時又無閏不及六旬 全上

呂布刺殺董卓與李催戰敗乃將數百騎以

卓頭繫馬鞍走出武關 御覽三百五十八

王允誅董卓部將李催郭汜不自安遂合

謀攻圍長安城陷呂布奔走布駐馬青瑣門

外招允曰公可以去乎允曰若國家社稷之

靈上安國家吾之願也如其不獲則奉身以

死之 御覽四百十七

布自以有功於袁氏輕傲紹下諸將以為擅

相署置不足貴也布求還洛紹假布司隸校

尉外言當遣內欲殺布明日當發紹遣甲士

三十人辭以送布布使止於帳側偽使人於

帳中鼓箏紹兵臥無何出帳去而兵不覺夜

半兵起亂砍布牀被謂為已死明日紹訊問

知布尚在乃閉城門布遂引去 魏志呂布傳注又後漢書

臧洪傳注引自布求還洛止於帳側上無布使二字牀下無被字謂下無為字明日作明且

呂布詣袁紹紹患布欲殺之遣三十六兵被

鎧迎布使著帳邊臥布知之使於帳中鼓箏

諸兵臥布出帳去兵不覺也藝文四十六按與魏志呂布傳

注後漢臧洪傳注所引不同

呂布詣袁紹紹患之布不自安因求還洛陽

紹聽之承制使領校尉遣壯士送布而陰殺

之布疑其圖己乃使人鼓箏於帳中潛自遁

去夜中兵起而布已亡紹聞懼為患募追之

皆莫敢近遂復歸御覽五百七十六按所引又與藝文各別

布見備甚敬之謂備曰我與卿同邊地人布

與

見關東起兵欲誅董卓布殺卓東出關東諸

將無安布者皆欲殺布耳請備於帳中坐婦

牀上令婦向拜酌酒飲食名備為弟備見布

語言無常外然之而內不悅魏志張邈傳注

布初入徐州書與袁術術報書曰昔董卓作

亂破壞王室禍害術門戶術舉兵關東未能

屠裂卓將軍誅卓送其頭首為術掃滅讎恥

使術明目於當世死生不愧其功一也昔將

金元休向兗州甫詣封部為曹操逆所拒破

絡

流離迸走幾至滅亡將軍破兗州術復明目於遐邇其功二也術生年以來不聞天下有劉備備乃舉兵與術對戰憑將軍威靈得以破備其功三也將軍有三大功在術術雖不敏奉以生死將軍連年攻戰軍糧苦少今送米二十萬斛迎逢道路非直此止當駱驛復致若兵器戰具佗所乏少大小唯命布得書大喜遂造下邳魏志張邈傳注布水陸東下軍到下邳西四十里備中郎將

丹陽許耽夜遣司馬章証來詣布言張益德與下邳相曹豹共爭益德殺豹城中大亂不相信丹陽兵有千人屯西白城北內聞將軍來東大小踴躍如復更生將軍兵向城西門丹陽軍便開門內將軍矣布遂夜進晨到城下天明丹陽兵悉開門內布兵布於門上坐步騎放火大破益德兵獲備妻子軍資及部曲將吏士家口全上建安元年六月夜半時布將河內郝萌反將

萌

三才圖會
三才圖會
兵入布所治下邳府詣廳事閣外同聲大呼
攻閣閣堅不得入布不知反者爲誰直牽婦
科頭袒衣相將從溷上排壁出詣都督高順
營直排順門入順問將軍有所隱不布言河
內兒聲順言此郝萌也順卽嚴兵入府弓弩
並射萌衆萌衆亂走天明還故營萌將曹性
反萌與對戰萌刺傷性性砍萌一臂順砍萌
首牀輿性送詣布布問性言萌受袁術謀謀
者悉誰性言陳宮同謀時宮在坐上面赤旁

人悉覺之布以宮大將不問也性言萌常以
此問性言呂將軍大將有神不可擊也不意
萌狂惑不止布謂性曰卿健兒也善養視之
創愈使安撫萌故營領其衆

上全

初天子在河東有手筆版書召布來迎布軍
無畜積不能自致遣使上書朝廷以布爲平
東將軍封平陶侯使人於山陽界亡失文字
太祖又手書厚加慰勞布說起迎天子當平
定天下意并詔書購捕公孫瓚袁術韓暹揚

奉等布大喜復遣使上書於天子曰臣本當
迎大駕知曹操忠孝奉迎都許臣前與操交
兵今操保傳陛下臣爲外將欲以兵自隨恐
有嫌疑是以待罪徐州進退未敢自寧答太
祖曰布獲罪之人分爲誅首手命慰勞厚見
褒獎重見購捕袁術等詔書布當以命爲效
太祖更遣奉車都尉王則爲使者齎詔書又
封平東將軍來拜布太祖又手書與布曰山
陽屯送將軍所失大封國家無好金孤自取

復

家好金更相爲作印國家無紫綬自取所帶
紫綬以藉心將軍所使不良袁術稱天子將
軍止之而使不通章朝廷信將軍使復重上
以相明忠誠布乃遣登奉章謝恩并以一好

綬答太祖

上全

布令韓暹楊奉取劉備地麥以爲軍資

御覽
八百

三十
八

袁術遣將紀靈率步騎二萬攻劉備呂布遣
人招備並請靈等饗飲謂靈曰布性不喜合

王蒙英雄記

三多身本言

留射戟

鬪但喜解鬪耳乃令植戟於營門彎弓曰諸君觀布射戟小支中者當解兵不中留決鬪

布一發中戟支遂罷兵御覽七百四十六又書鈔一百二十四劉

備屯小沛袁術遣將紀靈攻備呂布曰布不善合鬪但喜解鬪耳令門候於營門中舉一雙戟布言諸君觀布射戟小支一發中者諸軍當解去不中者可留決鬪布舉弓射戟正中小

布後又與暹奉二軍向壽春水陸並進所過虜畧到鍾離大獲而還既渡淮北留書與術曰足下恃軍彊盛常言猛將武士欲相吞滅

每抑止之耳布雖無勇虎步淮南一時之間足下鼠竄壽春無出頭者猛將武士為悉何在足下喜為大言以誣天下天下之言安可盡誣古者兵交使在其間造策者非布先唱也相去不遠可復相聞布渡畢術自將步騎五千揚兵淮上布騎皆於水北大哈笑之而還時有東海蕭建為琅邪相治莒保城自守不與布通布與建書曰天下舉兵本以誅董卓耳布殺卓來詣關東欲求兵西迎大駕光

王蒙英雄記

十四

復洛京諸將自還相攻莫肯念國布五原人也去徐州五千餘里乃在天西北角今不不字有來共爭天東南之地莒與下邳相去不遠誤宜當共通君如自遂以為郡郡作帝縣縣自王也昔樂毅攻齊呼吸下齊七十餘城唯莒卽墨二城不下有田單故也布雖非樂毅君亦非田單可取布書與智者詳共議之建得書卽遣主簿齎上禮貢良馬五匹建尋為臧霸所襲破得建資實布聞之自將步騎向莒

高順諫曰將軍躬殺董卓威震夷狄端坐顧盼遠近自然畏服不宜輕自出軍如或不捷損名非小布不從霸畏布引還抄暴果登城拒守布不能拔引還下邳霸後復與布和魏志

張邈傳注

呂布將兵向莒臧霸等畏布登城上以藥箭

亂射中人馬布不能拔引還下邳書鈔一百二十五陳

禹謨補

呂布使陳登詣曹操求徐州牧不得登還布

怒拔戟斫机曰吾所求無獲但為卿父子所
 賣耳登不為動容徐對曰登見曹公言養將
 軍譬如養虎當飽其肉不飽則將嗜人公曰
 不如卿言譬如養鷹飢則為用飽則颺去其
 言如此布意乃解御覽三百五十二又書鈔
 一百二十四陳禹謨補引
 呂布使陳登詣曹操求徐州牧不得登還布
 怒拔戟斫机曰卿父勸吾協同曹公絕婚公
 路今吾所求無一獲而卿父
 子並顯重但為卿所賣耳
 布遣許汜王楷告急於術術曰布不與我女
 理當自敗何為復來相聞邪汜楷曰明上今

不救布為自敗耳布破明上亦破也術時僭

號故呼為明上術乃嚴兵為布作聲援又文
 選任

彥升奏彈曹景宗注引袁
 術嚴兵為呂布作聲援也布恐術為女不至

故不遣兵救也以綿纏女身縛著馬上夜自

送女出與術與太祖守兵相觸格射不得過

復還城又御覽八百十九引呂布為曹公所
 攻甚急乃求救於袁術術先求布女

下即接布恐術
 為女不至云云布欲令陳宮高順守城自將

騎斷太祖糧道布妻謂曰將軍自出斷曹公

糧道是也宮順素不和將軍一出宮順必不

同心共守城也如有蹉跌將軍當於何自立乎願將軍諦計之無為宮等所誤也妾昔在長安已為將軍所奔賴得龐舒私藏妾身今不須顧妾也布得妻言愁悶不能自決

魏志張邈

傳注此兩太祖亦非當日原文疑裴氏採入傳時所改

曹公擒呂布布顧劉備曰玄德卿為上坐客我為降虜繩縛我急獨不可一言耶操曰縛虎不得不急曹公欲緩之備曰不可公不見布事丁建陽董太師乎布曰備曰大耳兒最

御

布諸

諸

叵信藝文十七又御覽八百九十二引曹公擒呂布顧劉備曰玄德卿為坐上客我為降虜繩縛我急獨不可一言邪操曰縛餓虎不得不急乃命緩縛布又事類賦虎引同

御覽顧上有布字

布謂太祖曰布待諸將厚也諸將臨急皆叛

布耳太祖曰卿背妻愛諸將婦何以為厚布

默然魏志張邈傳注

李叔節

李叔節與弟進先共在乘氏城中呂布詣乘氏城下叔節從城中出詣布進先不肯出為

將

王蒙英誌

叔節殺數頭肥牛提數十石酒作萬枚胡餅
先持勞客御覽八
百六十

張楊

楊及部曲諸將皆受催汜購募共圖布布聞
之謂楊曰布卿州里也卿殺布於卿弱不如
賣布可極得汜催爵寵楊於是外許汜催內
實保護布汜催患之更下大封詔書以布為
潁州太守魏志呂
布傳注
楊性仁和無威刑下人謀反發覺對之涕泣

購 討

傳

輒原不問

魏志張
楊傳注

高順

順為人清白有威嚴不飲酒不受饋所將七
百餘兵號為千人鎧甲鬪具皆精練齊整每
所攻擊無不破者名為陷陣營順每諫布言
凡破家亡國非無忠臣明智者也但患不見
用耳將軍舉動不肯詳思輒喜言誤誤不可
數也布知其忠然不能用布從郝萌反後更
疏順以魏續有外內之親悉奪順所將兵以

每

順

三才圖會

與續及當攻戰故令順將續所領兵順亦終
無恨意魏志張邈傳注又後漢呂布傳注引
順為人不飲酒不受饋所將七百餘
兵號為千人名陷陣營布後疏

臧洪

袁紹以臧洪為東都太守時曹操圍張超於
雍邱洪始聞超被圍乃徒跣號泣並勒所領
將赴其難從紹請兵而紹竟不聽之超城遂
陷張氏族滅洪由是怨紹絕不與通紹增兵
急攻洪城中糧盡廚米三升使為薄糜遍頒

視

眾又殺其愛妾以食兵將咸流涕無能仰視
男女七八千相枕而死莫有離叛城陷生執
洪紹謂曰臧洪何相負若是今日服未洪據
地曠日曰諸袁事漢四世五公可謂受恩今
王室衰弱無輔翼之意而欲因際會缺望非
冀惜洪力劣不能推刃為天下報仇何為服
乎紹乃命殺之洪邑人陳容在坐見洪當死
起謂紹曰將軍今舉大事欲為天下除暴而
先誅忠義豈合天意紹慚遣人牽出謂曰汝

非臧洪儔歟空復爾為容顧曰夫仁義豈有
常所蹈之則君子背之則小人今日寧與臧
洪同日死不與將軍同日生遂復見殺在紹
坐者無不歎息御覽四百二十二又四百十
八引無首十一字於雍邱下
即接臧洪從袁紹請兵將赴其難紹不聽之
族下無滅字不上無絕字無城中糧盡至又
十六字無咸字流涕下無無能仰視至而死
十三字無謂曰作紹問瞋目作瞑目衰弱作
微弱無輔翼至而欲七字劣作弱下作不
能為天下推刃執仇乃命無乃字舉上無今
字大事下無欲為天下除暴句遣人作使
人汝非臧洪儔歟無非歟二字下並同

公孫瓚

公孫瓚字伯珪為上計吏郡太守劉基為事
被徵伯珪御車到洛陽身執徒養基將徙日
南伯珪具豚米於北邙上祭先人觴醊祝曰
昔為人子今為人臣當詣日南多瘴氣恐或
不還與先人辭於此再拜慷慨而起觀者莫
不歔歔在道得赦俱還御覽四百二十一又
五百二十六引無字
伯珪為四字基作其下作以事犯注檻車徵
伯珪禱衣平幘御車到洛陽無身執徒養四
字基將徙作其當徙祭先下無人字觴上有
舉字日南下重日南二字而起下作其時州
里人在京師者送行見之及觀者莫不歔歔
又六百八十七引公孫瓚字伯珪上計吏郡

見

方

三教英華

三教英華

三

太守劉基以事公車徵伯珪襦衣平幘御車洛陽身執徒養

公孫伯圭追討叛胡邱力居等於管子城伯

圭力戰乏食馬盡煮弩楯啖食之御覽三百五十七

公孫瓚與諸屬郡縣每至節會屠牛作脯每

酒一觴致脯一豆書鈔一百四十五陳禹謨補

公孫瓚與破虜校尉鄒靖俱追胡靖為所圍

瓚迴師奔救胡即破散解靖之圍乘勝窮追

日入之後把炬逐北御覽八百七十

瓚每與虜戰常乘白馬追不虛發數獲戎捷

虜相告云當避白馬因虜所忌簡其白馬數

千匹選騎射之士號為白馬義從一曰胡夷

健者常乘白馬瓚有健騎數千匹乘白馬故

以號焉魏志袁紹傳注

公孫瓚每聞邊驚輒厲色作氣如赴仇嘗乘

白馬又白馬數十匹選騎射之士號為白馬

義從以為左右翼胡甚畏之相告曰當避白

馬長史御覽八百九十七又事類賦馬引常

之士餘俱同又藝文九十二引仇作讎嘗作

仇

十七引公孫瓚常與健騎數十人皆乘白馬以為左右翼自號白馬義從

公孫瓚除遼東屬國長史連接邊寇每有驚輒厲色憤怒如赴讎敵望塵奔繼之夜戰虜識瓚聲憚其勇莫敢犯之

御覽四百三十七

幽州歲歲不登人相食有蝗旱之災人始知

採稻以棗椹為糧穀一石十萬錢公孫伯圭

開置屯田稍稍得自供給

御覽三十五又書鈔一百五十六引

五穀不登民人以桑椹為糧

瓚統内外衣冠子弟有才秀者必抑死在窮

苦之地或問其故答曰今取衣冠家子弟及

善士富貴之皆自以為職當得之不謝人善

也所寵遇驕恣者類多庸兒若故卜數師劉

緯臺販繒李移子賈人樂何當等三人與之

定兄弟之誓自號為伯三人者為仲叔季富

皆巨億或取其女以配己子常稱古者曲周

灌嬰之屬以譬也

魏志公孫瓚傳注

公孫瓚擊青州黃巾賊大破之還屯廣宗改

易守令冀州長吏無不望風嚮應開門受之

匹

紹自往征瓚合戰於界橋南二十里瓚步兵
二萬餘人為方陣騎為兩翼左右各五千餘
匹白馬義從為中堅亦分作兩校左射右右
射左旌旗鎧甲光照天地紹令麴義以八百
兵為先登彊弩千張夾承之紹自以步兵數
萬結陣於後義久在涼州曉習羌鬪兵皆驍
銳瓚見其兵少便放騎欲陵陷之義兵皆伏
楯下不動未至數十步乃同時俱起揚塵大
叫直前衝突彊弩雷發所中必倒臨陣斬瓚

見羌
楯同

營
後

所署冀州刺史嚴綱甲首千餘級瓚軍敗績
步騎奔走不復還營義追至界橋瓚殿兵還
戰橋上義復破之遂到瓚營拔其牙門營中
餘眾皆復散走紹在後未到橋十數里下馬
發鞍見瓚已破不為設備惟帳下彊弩數十
張大戟士百餘人自隨瓚部迸騎二千餘匹
卒至便圍紹數重弓矢雨下別駕從事田豐
扶紹欲卻入空垣紹以兜鍪撲地曰大丈夫
當前鬪死而入牆間豈可得活乎彊弩乃亂

發多所殺傷瓚騎不知是紹亦稍引卻會麴

義來迎乃散去魏志袁紹傳注又水經淇水注引公孫瓚擊青州黃巾賊

大破之還屯廣宗袁本初自往征瓚合戰於

界橋南二十里紹將鞬義破瓚於界橋斬

瓚冀州刺史嚴綱又破瓚殿兵於橋上又御

覽七十三引同水經注又御覽三百五十六

引袁紹為公孫瓚所圍別駕田豐扶紹入空

垣紹脫兜鍪抵地云丈夫當前鬪死而反逃

入牆間豈可得活

初平四年天子使太傅馬日磾太僕趙岐和

解關東岐別詣河北紹出迎於百里上拜奉

帝命岐往紹營移書告瓚瓚遣使具與紹書

宣

命詣

圍

完

日趙太僕以周召之德銜命來征宣揚朝恩

示以和睦曠若開雲見日何喜如之昔賈復

寇恂亦爭士卒欲相危害遇光武之寬親俱

陛見同與其出人以為榮自省邊鄙得與將

軍共同此福此誠將軍之眷而瓚之幸也魏志

袁紹傳注

先是有童謠曰燕南垂趙北際中央不合大

如礪惟有此中可避世瓚以易當之乃築京

固守瓚別將有為敵所圍義不救也其言曰

自

救一人後將恃救不力戰今不救此後將當
念在自勉是以袁紹始北擊之時瓚南界上
別營自度守則不能自固又知必不見救是
以或自殺其將帥或為紹兵所破遂令紹軍
徑至其門魏志公孫瓚傳注
瓚諸將家家各有高樓樓以千計瓚作鐵門
居樓上屏去左右婢妾侍側汲上文書上
袁紹分部攻者掘地為道穿穴其樓下稍稍
施木柱之度足達半便燒所施之柱樓輒傾

倒全上

關靖

關靖字士起太原人本酷吏也諂而無大謀
特為瓚所信幸魏志公孫瓚傳注

袁紹

袁紹父成字文開名壯健貴戚權豪自大將
軍梁冀以下皆與交結恩好言無不從故京
師諺曰事不諧詣文開御覽三百八十六又魏志袁紹傳注引無
袁紹父三字壯健上無名字下有有有分三字交結恩好止結好二字諺上有為作二字

王象斌雄請

又御覽四百九十六引袁紹父成字文開貴盛自梁冀以下皆與交言無不從京師諺曰事不諧詣文開

紹生而父死二公愛之幼使為郎弱冠除濮陽長有清名遭母喪服竟又追行父服凡在冢廬六年禮畢隱居洛陽不妄通賓客非海內知名不得相見又好遊俠與張孟卓何伯求吳子卿許子遠伍德瑜等皆為奔走之友不應辟命中常侍趙忠謂諸黃門曰袁本初坐作聲價不應呼召而養死士不知此兒欲

刃排

何所為乎紹叔父隗聞之責數紹曰汝且破

我家紹於是乃起應大將軍之命魏志袁紹傳注又後

漢書袁紹傳注引凡在冢廬六年又引不妄通賓客至奔走之友唯無伍德瑜三字又御覽四百五引袁紹居雒陽西北陬不妄通賓客非海內知名不得相見又四百九引袁紹不妄通賓客好遊俠與張孟卓何伯求吳子卿許子遠伍德瑜等皆奔走之友不應辟命

袁紹生而孤幼為郎容貌端正威儀進止動

見仿效弱冠除服長有清能名御覽三百八十九末七字

鮑刻本作除復陽長有清能名復

袁紹有姿貌威容愛士養名既累世台司賓

客所歸加以傾心折節莫不爭赴其庭士無
貴賤與之抗禮御覽四百七十五

袁紹辟大將軍府不得已起從命舉高第遷
侍御史弟術為尚書詔不欲為臺下告疾求

退御覽二百二十七

董卓謂袁紹曰皇帝冲闇非萬機之主陳留
王猶勝今欲立之紹勃然曰天下健者豈惟

董公橫刀長揖徑出懸節於東門而奔冀州

書鈔一百二十三又御覽三百四十五引皇帝至立之作劉氏種不足復遺餘並同東門

作上東門

是時年號初平紹字本初自以為年與字合

必能克平禍亂魏志袁紹傳注

紹既破瓚引軍南到薄落津方與賓客諸將

共會聞魏郡兵反與黑山賊于毒共覆鄴城

遂殺太守栗成賊十餘部眾數萬人聚會鄴

中坐上諸客有家在鄴者皆憂怖失色或以

啼泣紹容貌不變自若也賊陶升者故內黃

小吏也又後漢書袁紹傳注引升故為內黃小史有善心獨將部

王粲英雄記
衆踰西城入閉守州門不內他賊以車載紹家及諸衣冠在州內者身自扞衛送到斥邱乃還紹到遂屯斥邱以陶升爲建義中郎將乃引軍入朝歌鹿場山蒼巖谷討于毒圍攻五日破之斬毒及長安所署冀州牧壺壽遂尋山北行薄擊諸賊左髮丈八等皆斬之又擊劉石青牛角黃龍左校郭大賢李大目于氏根等皆屠其屯壁奔走得脫斬首數萬級紹復還屯鄴魏志袁紹傳注

喪於乃庸可不勉乎烏丸單于都護部衆左右單于受其節度他如故事魏志烏桓傳注

袁遺

袁遺字伯業

後漢書袁紹傳注

紹後用遺爲揚州刺史爲袁術所敗太祖稱長大而能勤學者唯吾與袁伯業耳魏志武帝紀注

袁術

紹從弟術字公路汝南汝陽人也

後漢書袁紹傳注

麴義

袁紹討公孫瓚先令麴義領精兵八百強弩千張以為前登瓚輕其兵少縱騎騰之義兵伏楯下一時同發瓚軍大敗

御覽三百五十七又三百八十四引至前

登討作擊

麴義後恃功而驕恣紹乃殺之

魏志袁紹傳注

逢紀

逢紀說紹曰將軍舉大事而仰人資給不據一州無以自全紹答云冀州兵強吾士飢乏設不能辨無所容立紀曰可與公孫瓚相聞

紹遣使即拜烏丸三王為單于皆安車華蓋羽旄黃屋左纛版文曰使持節大將軍督幽青并領冀州牧阮鄉侯紹承制詔遼東屬國率眾王頌下烏丸遼西率眾王蹋頓右北平率眾王汗盧維乃相募義遷善款塞內附北捍獫狁東拒濊貊世守北陲為百姓保鄣雖時侵犯王畧命將徂征厥罪率不施時悔愆變改方之外夷最又聰惠者也始有千夫長百夫長以相統領用能悉乃心克有勲力於

國家稍受王侯之命自我王室多故公孫瓚作難殘夷厥土之君以侮天慢主是以四海之內並執干戈以衛社稷三王奮氣裔土忿奸憂國控弦與漢兵爲表裏誠甚忠孝朝所嘉焉然而虎兕長虵相隨塞路王官爵位否而無聞夫有勲不賞俾勤者怠今遣行謁者楊林齎單于璽綬車服以對爾勞其各綏靜部落教以謹慎無使作凶作惡世復爾祀位長爲百蠻長厥有咎有不臧者泯於爾祿而

導使來南擊取冀州公孫必至而馥懼矣因

使說利害爲陳禍福馥必遜讓於此之際可

據其位紹從其言而瓚果來

魏志袁紹傳注

紀字元圖初紹去董卓出奔與許攸及紀俱詣冀州紹以紀聰達有計策甚親信之與共舉事後審配任用與紀不睦或有讒配於紹者紹問紀紀稱配天性烈直古人之節不宜疑之紹曰君不惡之邪答曰先日所爭者私情今所陳者國事紹善之卒不廢配配由是

更與紀爲親善全上又後漢書袁紹傳注引至甚親信之無出奔二字又荀彧傳注同信上無親字

審配

審配任用與紀不睦辛評郭圖皆比於譚後漢

書袁紹傳注

袁尙使審配守鄴曹操進軍攻鄴審配將馮禮爲內應開突門內操兵三百餘人配覺之從城上以大石擊門門閉入者皆死操乃鑿塹圍迴四十里初令淺示若可越配望見笑

而不出操令一夜濬之廣深二丈決漳水灌之自五月至八月城中餓死者過半尙聞鄴急將兵萬餘人還救操逆擊破之尙走依曲漳爲營操復圍之尙懼遣陰夔陳球請降不聽尙還走藍田操復進擊圍之尙將馬迎等臨陣降衆大潰尙奔中人盡收其輜重得尙印綬節鉞及衣物以示城中城中崩沮審配命士卒曰堅守使戰操軍疲矣幽州方至何憂無主以其兄子榮爲東門校尉榮夜開門

書

王粲英雄記

內操兵配猶拒戰城陷生獲配操意活之配
 意氣壯烈終無撓辭見者莫不歎息遂斬之
御覽三百十七又書鈔一百十八引袁尚使
 審配守鄴曹操進軍攻鄴配將馬禮叛為內
 應開突門內操兵三百餘人配覺之從城上
 以大石擊突中柵門柵門閉入者皆死沒
 袁尚使審配守鄴曹操攻之操出行圍配伏
 弩射之幾中及城陷生獲配操謂曰吾近行
 圍弩何多也配曰猶恨其少操曰即忠於袁
 氏不得不爾志欲活之配意氣壯烈終無撓
 辭遂斬之
御覽四百三十八又三百四十八
 引袁尚使審配守鄴城曹操進軍

攻鄴生獲配謂曰吾近行圍
 弩何多也配曰猶恨其少

郭圖

譚尚戰於外門譚軍敗奔北郭圖說譚曰今
 將軍國小兵少糧匱執弱顯甫之來久則不
 敵愚以為可呼曹公來擊顯甫曹公必至先
 攻鄴顯甫還救將軍引兵而西自鄴以北皆
 可虜得若顯甫軍破其兵奔亡又可斂取以
 拒曹公曹公遠僑而來糧餉不繼必自逃去
 此此之際趙國以北皆我之有亦足與曹公

此

三國英雄記

三

為對矣不然不諧譚始不納後遂從之問圖

誰可使圖荅辛佐治可譚遂遣毗詣太祖魏志

辛毗傳注

韓珩

袁譚既死弟熙尚為其將焦觸張南所攻奔
遼西烏桓觸自號幽州刺史陳兵數萬殺白
馬盟曰違命者斬各以次歃至別駕代郡韓
珩曰吾受袁公子厚恩今其破亡智不能救
勇不能死北面曹氏所不能為也一坐為珩

遣

失色觸曰舉大事當立大義事之濟否不待

一人可卒珩志以厲事君曹操聞珩節甚高

之屢辟不至御覽四百二十二

陳瑀

陳温字元悌汝南人先為揚州刺史自病死

袁紹遣袁遺領州敗散奔沛國為兵所殺袁

術更用陳瑀為揚州瑀字公瑋下邳人瑀既

領州而術敗於封邱南向壽春瑀拒術不納

術退保陰陵更合軍攻瑀瑀懼走歸下邳魏志

袁術
傳注

韓馥

馥字文節潁川人

七字又見後漢書董卓傳注

為御史中

丞董卓舉為冀州牧于時冀州民人殷盛兵糧優足袁紹之在渤海馥恐其與兵遣數部從事守之不得動搖東郡太守喬瑁詐作京師三公移書與州郡陳卓罪惡云見逼迫無以自救企望義兵解國患難馥得移請諸從事問曰今當助袁氏邪助董卓邪治中從事

劉子惠曰今與兵為國何謂袁董卓自知言短而有慙色子惠復言兵者凶事不可為首今宜往視他州有發動者然後和之冀州於他州不為弱也他人功未有在冀州之右者也馥然之乃作書與紹道卓之惡聽其舉兵

魏志武帝紀注

冀州刺史韓馥問諸從事曰馥有何長何短治中劉子曰前勞賜有餘肉百筋賣之一州調度奢儉不復在是猶可勞賜勤勞吏士賣

之示狹

御覽八百六十三

袁紹使張景明郭公則高元才等說韓馥使

讓冀州

魏志臧洪傳注又後漢書郡國志注引冀州下有與紹二字

劉子惠

劉子惠中山人兖州刺史劉岱與其書道卓無道天下所共攻死在旦暮不足為憂但卓死之後當復回師討文節擁強兵何凶逆寧可得置封書與馥馥得此大懼歸咎子惠欲斬之別駕從事耿武等排閣伏子惠上願并

見斬得不死作徒被赭衣掃除宮門外

後漢書袁

紹傳注

趙浮

紹在朝歌清水口浮等從後夾船數百艘眾萬餘人整兵駭鼓過紹營紹甚惡之浮等到謂馥曰袁本初軍無斗糧各欲離散旬日之間必土崩瓦解將軍但閉戶高枕何憂何懼

後漢書袁紹傳注

耿武 閔純

耿武字文成閔純字伯典後袁紹至馥從事
十餘人棄馥去唯恐在後獨武純杖刀拒兵
不能禁紹後令田豐殺此二人

後漢書袁紹傳注

朱漢

紹以河內朱漢為都官從事漢先時為馥所
不禮內懷怨恨且欲邀迎紹意擅發城郭兵
圍守馥第拔刃登屋馥走上樓收得馥大兒
搥折兩腳紹亦立收漢殺之馥猶有憂怖故
報紹索去

魏志袁紹傳注又後漢書袁紹傳注引同

王匡

匡字公節泰山人輕財好施以任俠聞辟大
將軍何進府進符使匡於徐州發彊弩五百
西詣京師會進敗匡還州里起家拜河內太

守

魏志武帝紀注又後漢書獻帝紀注引匡

字公節泰山人輕財好施以任俠聞為袁紹河內太守又董卓傳注引至以任俠聞又袁紹傳注引王匡字公節泰山人也又書鈔一百二十五引匡上有王字使上無符字州作鄉無末七字又御覽三百四十八引匡上有王字使上無進符二字州作鄉下無里字又四百七十七引鄉下有里字俱無末七字

孔佃

三才圖會
仙字公緒陳留人

魏志武帝紀注又後漢書董卓傳注引仙字公緒又

袁紹傳注引仙上有孔字人下有也字

劉虞

虞為博平令治正推平高尙純樸境內無盜

賊災害不生時郡縣接壤蝗蟲為害至博平

界飛過不入

魏志公孫瓚傳注

虞讓太尉因薦衛尉趙謨益州牧劉焉豫州

牧黃琬南陽太守羊續竝任為公

上全

幽州刺史劉虞食不重肴藍縷繩履

書鈔三十八一

百三十六又御覽二百五十八引肴作餽履作履

虞之見殺故常山相孫瑾椽張逸張瓚等忠

義奮發相與就虞罵瓚極口然後同死

魏志公孫

瓚傳注

劉岱

岱孝悌仁恕以虛己受人

吳志劉繇傳注

劉翊

劉翊字子相潁川人遷陳留太守出關數百里見士大夫病亡道次翊以馬易棺脫衣殮

之又逢知故困餓於路不忍委去因殺所駕牛以救之衆人止之翊曰視沒不救非志士遂俱餓死

御覽四百十九

劉表

州界羣寇既盡表乃開立學官博求儒士使綦母闓宋忠等撰定五經章句謂之後定

魏志

劉表傳注

張羨

張羨南陽人先作零陵桂陽長甚得江湖間

心然性屈彊不順表薄其爲人不甚禮也羨

由是懷恨遂叛表焉

魏志劉表傳注又後漢書劉表傳注引長作守

無末焉字

劉焉

劉焉起兵不與天下討董卓保州自守犍爲太守任歧自稱將軍與從事陳超舉兵擊焉焉擊破之董卓使司徒趙謙將軍向州說校尉賈龍引兵還擊焉焉出青羌與戰故能破殺歧龍等皆蜀郡人

蜀志劉焉傳注

龐羲

龐羲與璋有舊又免璋諸子於難故璋厚德
羲以羲為巴西太守遂專權勢

蜀志劉璋傳注

劉備

靈帝末年備嘗在京師復與曹公俱還沛國
募召合眾會靈帝崩天下大亂備亦起軍從
討董卓

蜀志先主傳注

備留張飛守下邳引兵與袁術戰於淮陰石
亭更有勝負陶謙故將曹豹在下邳張飛欲

殺之豹眾堅營自守招呂布布取下邳張飛
敗走備聞之引兵還北至下邳兵潰收散卒
東取廣陵與袁術戰又敗

上全

備軍在廣陵飢餓困敗吏士大小自相啖食
窮餓侵逼欲還小沛遂使吏請降布布令備
還州并勢擊術具刺史車馬童僕發遣備妻
子部曲家屬於泗水上祖道張樂

上全

建安三年春布使人齎金欲詣河內買馬為
備兵所鈔布由是遣中郎將高順北地太守

張遼等攻備九月遂破沛備單身走獲其妻
息十月曹公自征布備於梁國界中與曹公
相遇遂隨公俱東征上全
表病上備領荊州刺史上全

孫堅

劉表將呂公將兵緣山向堅堅輕騎尋山討
公公兵下石中堅頭應時腦出物故吳志孫
堅傳注
堅以初平四年正月七日死上全

胡軫

初堅討董卓到梁縣之陽人卓亦遣兵步騎
五千迎之陳郡太守胡軫為大督護呂布為
騎督其餘步騎將校都督者甚眾軫字文才
性急預宣言曰今此行也要當斬一青綬乃
整齊耳諸將聞而惡之軍到廣成去陽人城
數十里日暮士馬疲極當止宿又本受卓節
度宿廣成秣馬飲食以夜進兵投曉攻城諸
將惡憚軫欲賊敗其事布等宣言陽人城中
賊已走當追尋之不然失之矣便夜進軍城

中守備甚設不可掩襲於是吏士飢渴人馬甚疲且夜至又無壘釋甲休息而布又宣言相驚云城中賊出來軍眾擾亂奔走皆棄甲失鞍馬行十餘里定無賊天明便還拾取兵器欲進攻城城守已固穿壘已深軫等不能攻而還

吳志孫堅傳注

張咨

咨子子儀潁川人亦知名

吳志孫堅傳注又後漢書袁術傳注

引儀作議無末三字

舸

周瑜

周瑜鎮江夏曹操欲從赤壁渡江南無船乘箴從漢水下住浦口未即渡瑜夜密使輕船走舸百數艘艘有五十人移棹人持炬火火然則迴船走去去復還燒者須臾燒數千箴火大起光上照天操夜走

藝文八十八又御覽八百六十八引箴

作箴從漢作泐漢任作至百數艘無數字移作施持炬火下有持火者數千人立於船上以萃於箴至乃放火十八字走去下無去復還燒者五字火大起無大字夜去上有乃字又八百七十引周瑜敗曹操於赤壁密使輕船走舸百戶艘艘有五十人拖棹人持炬火

按百戶戶字誤
鮑刻本無戶字

孔文舉

孔文舉為東萊賊所攻城欲破其治中左承

祖以官棗賦與戰士

御覽九百六十五又事類賦棗引其上有而字

賦下無與字

向栩

向栩字甫興性卓詭不倫恒讀老子狀如學道又似狂生好被髮著褻頭常於竈北坐板牀上如是積久板乃有膝踝足指之處御覽七百

一百

膝

三十九又三百七十二引向栩坐板牀有兩踝處入板中三寸許又書鈔一白三十三引向栩常坐梨牀上

向栩為性卓詭不凡好讀老子狀如學道又復似狂居嘗北坐被髮喜長嘯人客從就輒伏不視人有於栩前獨拜栩不答御覽三百九十二

尚子平

尚栩原譌作相先人尚子平有道術為縣功曹休

歸自入山擔薪賣以飲食

御覽二百六十四又文選嵇叔夜與

山巨源絕交書注引無首四字飲作供又孔德璋北山移文注引同食上有飲字李周翰

王彥英雄譜
曰尙長字子平王莽時司徒王邑薦之固辭
後遂入山隱也又於北山移文下云尙長字
子平男女嫁娶訖便隱而不出按尙子平西
漢末東漢初人此蓋因尙栩而類及之

閻忠

涼州賊王國等起兵共劫忠為主統三十六

部號車騎將軍忠感慨發病而死

魏志賈栩傳注又後

漢書皇甫嵩傳注引無共字末作忠感傷發病死又董卓傳注截引

涼茂

茂名在八友中

魏志涼茂傳注

張儉

先是張儉等相與作衣冠紕彈彈中人相調
言我彈中誠有八俊八父猶古之八元八凱

也世說新語品藻篇注

又後漢書郡國志會稽郡鄞烏傷下注引

英雄交爭記云初平三年分縣南鄉為長

山縣按所引疑即漢末英雄記又御覽十

六引在尊者前宜各具一手巾不宜借人

巾用此條不知何屬並附錄於末

借

平澤本校過
漢魏遺乃本校過

龍桓

子史鈎沈

逸書考

叔孫通漢禮器制度 甘泉黃奭學

弁冕以木為體廣八寸長尺六寸

案周禮弁師疏引作

凡冕以版廣八寸長尺六寸績麻三十升布為之上以元

下以纁前後有旒尊卑各有差等天子玉笄

朱紘 儀禮士冠禮疏

冕制皆長尺六寸廣八寸天子以下皆同

春秋

左氏桓公二年正義

飾棺天子龍火黼黻皆五列又有龍嬰二其

戴皆加璧 周禮縫人注

擊祝之椎名為止曼敵之木名為籓 尚書益稷正義

籓竹器如豆者 周禮籓人注 禮器制度而知也 案疏云依漢

脚鼎之局長二尺 周禮考工記匠人注 案疏云亦漢禮器制度知之

天子 案二字據 漢志補注 大槃廣八尺長一丈二尺

深三尺漆赤中 周禮凌人注 禮記喪大記注 又凌人疏 儀禮士喪禮疏續

洗之所用士用鐵大夫用銅諸侯用白銀天子用黃金 儀禮士冠禮疏

尊卑皆用金罍及其大小異 儀禮士冠禮疏

補遺

有方命之張於書

局案

漢

子史鈎沈

平澤本校過

子史鈎沈

逸書考

王隆漢官解詁

甘泉黃奭學

前安帝時越騎校尉劉千秋校書東觀好事者樊長孫與書曰漢家禮儀叔孫通等所草創皆隨律令在理官藏于几閣無紀錄者久令二代之業闇而不彰誠宜撰次依擬周禮定位分職各有條序令人無愚智入朝不惑君以公族元老正丁其任焉可以已劉君甚然其言與邑子通人張平

子參議未定而劉君遷為宗正衛尉平子
為尚書郎太史令各務其職未暇恤也至
順帝時平子為侍中典校書方作周官解
說乃欲以漸次述漢事會復遷河閒相遂
莫能立也述作之功獨不易矣既感斯言
顧見故新汲令王文山小學為漢官篇畧
道公卿內外之職旁及四夷博物條暢多
所發明足以知舊制儀品蓋法有成易而
道有因革是以聊集所宜為作解詁各隨

其下綴續後事令世施行庶明厥旨廣前

後憤盈之念增助來哲多聞之覽焉續漢志補

注案漢官篇正文別作一行其有未備者以續漢志小字補之

太傅錄
尚書事

猶古冢宰總已之義續漢志補注

司馬中外以親寵殊平事尚書宰尹樞機勉

用八政播時百穀北堂書鈔設官部兩引

下理坤道上和乾光謂之司空北堂書鈔設官部太平御

覽職官部

己

軍將

前後左右將軍皆周末官秦因之位上卿
金印紫綬皆掌兵及四夷有長史秩千石
北堂書鈔設官部

前後左右將軍宣化以後雖不出征猶有
其官位在諸卿上 北堂書鈔設官部

太常社稷郊時事重職尊故在九卿之首 北堂
書鈔設官部太平御覽職官部

古文儒林舊藝皆說 北堂書鈔職官部

博士稽合同異講論五始為春秋 北堂書鈔
設官部

公羊傳云五始者元年春王正月公即位
元者氣之始春者四時之始王者受命之
始正月者政教之始公即位者一國之始
也 北堂書鈔設官部

官名祭酒皆一位之元長者也古禮賓客
得主人饌則老者一人舉酒以祭于地舊
說以為示有先 續漢志補注

光祿
勳

勲猶闈也易曰為闈寺主殿宮門戶之職

續漢志補注

光祿大夫諫議大夫揖讓羣卿四方則之

北堂書鈔設官部

光祿大夫本為中大夫武帝元狩五年置

諫大夫為光祿大夫世祖中興以為諫議

大夫又有大中中散大夫此四等於古皆

為天子之下大夫視列國之上卿

續漢志補注北

堂書鈔設官部

武帝以中大夫為光祿大夫與博士俱以

儒雅之選異官通職周官所謂官聯者也

藝文類聚職官部太平御賢職官部

溫故知新率由舊章與參國體稽合同異

北堂書鈔

有北堂書鈔引皆能分明古今辨章舊聞

北堂書鈔設官部

北堂書鈔類聚職官部太平御覽職官部

案

聚太平御覽引此在視列國之上卿下藝文類

與光祿大夫不相比附疑本議郎之職今改

為正文而不復別出

尉衛

衛尉主宮闕之內衛士于垣下為廬案北堂書

鈔設官部引作各有員部居宮中者皆施

籍于門案其姓名若有醫巫僦人當入者

本官長吏為封啟傳案當作本宮長史為封啟傳見續漢志

審其印信然後內之人未定又有籍皆復

有符符用木長二寸以當所屬兩字為鐵

印亦太卿炙符案續漢志補注引作長可二寸鐵印以箸之當

出入者案籍畢復齒符乃引內之也其有

官位得出入者令執御者官傳呼前後以

相通從昏至晨分部行夜夜有行者輒前

曰誰誰若此不解終歲更始所以重慎宿

衛也藝文類聚職官部

諸門部各陳屯夾道其旁當兵以示威武

交戟以遮妄出入者續漢志補注

太僕廐府皮軒鸞旗初學記器物部

馬有廐車有府皮軒以虎皮為軒續漢志補注初

學記器物部太平御覽車部

考黃魏瑣連孫吳之法北堂書鈔武功部

兵書有黃氏瑣連之器蓋弩射法也北堂書鈔
武功部

廷尉當理疑獄北堂書鈔設官部

讞質也讀漢志補注

鴻臚贊通四門撫柔遠賓北堂書鈔設官部

鴻聲也臚傳也所以傳聲贊導九賓也太平御覽職官部

昔唐虞賓于四門此則禮賓之制與鴻臚
之任亦同太平御覽職官部

續

正宗

又歲一治諸王世譜差序秩第續漢志補注

司農調均報度輸漕委輸續漢志補注

邊都諸官請調者皆有調均報給之也以
水通輸曰漕委積也郡國所積聚金帛貨
賄隨時輸送諸司農曰委輸以供國用續漢志補注

中侍

掌侍從左右無員常侍中漢書百官公卿表注

給事常侍左右無員位次侍中中常侍或

名儒或國親漢東方朔拜中郎為給事中

劉向諫議大夫拜給事中也北堂書鈔設官部

尚書出納詔令齊眾喉口北堂書鈔設官部

唐虞曰納言周官為內史機事所總號令攸

發北堂書鈔設官部文選晉紀總論注後漢

部

二十八將論注辨亡論注太平御覽職官

機密之事

文選晉紀總論注

士之權貴不過尚書其次諸吏

北堂書鈔設官部太平御

覽職官部

諸吏光祿勳是也

太平御覽職官部

史御

建武以來省御史大夫官屬入侍蘭臺蘭

臺有十五人特置中丞一人以總之此官

得舉非官

案北堂書鈔引作舉法皆誤當作舉非法

其權次尚

書

北堂書鈔設官部太平御覽職官部

惠帝三年相國奏遣御史監三輔

北堂書鈔設官部

部

孝宣感路温舒言秋季後請讞時帝幸宣

室齋居而決事令侍御史二人治書御史

起此案當重有治書二字後因別置冠法冠秩百石

案百上當有六字有印綬與符節郎其平廷尉奏

事罪當輕重續漢志補注

執金吾執禁典兵北堂書鈔設官部

執金吾吾者禦也典執金革以禦非常也

北堂書鈔設官部

衛尉巡行宮中則金吾徼于外相為表裏

續

以擒姦討猾續漢志補注北堂書鈔設官部

太子太傅日就月將琢磨玉質北堂書鈔設官部

言太子有玉之質琢磨以道也位次太師

北堂書鈔設官部

少傅琢磨玉質永承無疆北堂書鈔設官部

言太子者珪玉也北堂書鈔設官部

將作大匠樹栗椅桐梓續漢志補注

古者列樹以表道竝以為林囿四者皆木

名治宮室竝主之續漢志補注

中壘城門北軍士校修爾車馬以戒不虞北堂書鈔設官部

漢掌兵官北堂書鈔設官部

河南尹

武帝太元元年左內史為左馮翊主爵都尉右內史為右扶風京兆尹治京師以為

三輔皆如郡主爵列侯其職竝鴻臚世祖

案當有雒陽改河南案當有為河南尹北堂書鈔設官部

都字

雜

三輔職如郡守獨奏朝請成帝丞相張禹

遜位位特進奉朝請又以關內侯蕭望之

大司馬嘉皆進奉朝請光武司徒孫資加

特進奉朝請奉朝請之號則非為官北堂書鈔

設官部太平御覽職官部

刺十有三牧分土食焉北堂書鈔設官部

京畿師外案當十有三牧分部馳郡行國督

察在位奏以言案奏上當錄見囚徒案見當

考實侵寃退不錄職案錄當狀狀進一奏事

焉案當有譌北堂書鈔設官部

巡謂驛馬也縣次傳駕之以走疾猶古言

附遂續漢志補注

縣邑囚徒皆閱錄視參考辭狀實其真偽

有侵寃者即時平理續漢志補注

課第長吏不稱職者為殿舉免之其有治

能者為最察上尤異州又狀州中吏民茂

才異等歲一人續漢志補注

所察有條應繩異者輒覆問之不茹柔吐

剛也歲盡齋所狀納京師名奏事差其遠

近各有常會續漢志補注

中不復自詣京師其所道皆如舊典續漢志補注

注

假佐取內郡善史書佐給諸府也漢書王尊傳注

冀趙常山太平御覽州郡部

經曰冀州既載居趙今治常山太平御覽州郡部

兗衛濟河太平御覽州郡部

經曰濟河惟兗州衛國今治山陽太平御覽州郡部

部

青州河岱

太平御覽州郡部

經曰海岱惟青州居齊國今治焉

太平御覽州郡部

徐魯淮沂

初學記州郡部太平御覽州郡部

經曰海岱及淮惟徐州又曰淮沂其乂居

魯國今據豫州而東海

太平御覽州郡部

揚吳彭蠡

太平御覽州郡部

經曰淮海惟揚州又曰彭蠡既渚居吳國

今治九江

太平御覽州郡部

荆楚衡陽

太平御覽州郡部

經曰荆及衡陽惟荆州居楚國今治武陵

太平御覽州郡部

益庸岷梁

太平御覽州郡部

經曰華陽黑水惟梁州漢改梁州治九江

今治廣漢

太平御覽州郡部

涼邠黑水

初學記州郡部太平御覽州郡部

經曰黑水西河惟雍州居邠國漢改雍州

為邢州國右扶風栒邑縣屬司隸部不復屬州今治漢陽 太平御覽州郡部

雍別朔方 太平御覽州郡部 案續漢志朔方郡在并州刺史部無朔方刺史與此不合

漢別雍州之地置朔方刺史 太平御覽州郡部

交阯南越 太平御覽州郡部

漢平南越之地置交州刺史列諸州治蒼梧 太平御覽州郡部

幽燕朝鮮 太平御覽州郡部

經無幽州而周官有焉蓋冀之別也居燕

國今廣陽是 太平御覽州郡部

并代晉翟 太平御覽州郡部

經無并州而周官有蓋冀州之別也居燕

國今廣陽是 太平御覽州郡部 案居燕國今廣陽是七字當有誤

太守專郡信理庶績勸農賑貧決訟斷辟興

利除害檢察郡姦舉善黜惡誅討暴殘 北堂書鈔

設官部太平御覽職官部 案太平御覽引作誅殺殘暴

秋冬歲盡各計縣戶口墾田錢穀出入盜

檢興

賊多少上其集簿丞尉以下歲詣郡課校其功功多尤為最者於廷尉案此當勞勉作慰之以勸其後負多尤為殿者於後曹別責以糾怠慢也諸對辭窮尤困收主者掾史關白太守使取法丞尉縛責以明下轉相督勅為民除害也明帝詔書不得僇辱黃綬以別小人吏也續漢志補注

都尉將兵副佐太守

北堂書鈔設官部太平御覽職官部案北堂

書鈔引作都尉一人

案

言與太守俱受銀印部符之任為一郡副

將然俱主其武職不預民事舊時以八月

都試講習其射力以備不虞

案太平御覽引有備盜賊

也四皆絳衣戎服示揚威武折衝厭難者

也也北堂書鈔設官部

少官嗇夫各擅其職

周禮天官疏

謂倉庫少內嗇夫之屬各自擅其條理所

職主

周禮天官疏

鹽鐵官

鹽官培坑而得鹽或有鑿井煮海水而以得之者鑄銅為器械當鑄冶之事扇熾其火謂之鼓鑄續漢志補注

諸王

諸王在長安位次三公北堂書鈔設官部

光武封諸子各四縣也北堂書鈔設官部

後漢妾數無限別乃制設正適曰妃取小

夫人不得過四十人續漢志補注

列侯

列侯金印紫綬以賞其有功功大者食縣

邑小者食鄉亭得臣其所食吏民案北堂書鈔封

爵部引大小隨邑縣鄉所食臣其吏民也本為徹侯避武帝諱

曰通侯舊時文書或爵通侯也後更曰列

侯今俗人或都言諸侯乃王爾非此也藝文

類聚封爵部太平御覽封建部

諸王受封皆受茅土歸立社稷本朝為宮

室自有制度至於列侯歸國者不受茅土

不立宮室各隨貧富裁制黎庶以守其寵

續志補注藝文類聚封爵部

車駕巡狩幸其國諸侯衣元端之衣冠九

旒之冕其盛法服以就位也今列侯自不

奉朝請侍祠祭者不得服此皆當三梁冠

阜單衣其歸國流黃衣阜云續漢志補注

乘與豹尾過後罷屯解圍續漢志補注

施于道路豹尾之內為省中故須過後屯

圍乃得解皆所以戒不虞也續漢志補注

鸞旗以銅作鸞車衡上續漢志補注

建蓋在中續漢志補注

轂下喻在輦轂之下京師之中文選曹子建責躬詩

注潘安仁在懷縣作詩注曹子建求通親親表注任彥升齊竟陵文宣王行狀注

天子出車駕次第謂之鹵簿長安時出祠

天子甘泉用之名曰甘泉鹵簿文選任彥升為蕭揚

州薦士表注

宗廟是古者清廟茅屋續漢志補注

古之清廟以茅蓋屋所以示儉也今之明

堂茅蓋之乃加瓦其上不忘古也後漢書光武紀

注續漢志補注

桶桶也諸侯丹桶以丹色也太平御覽居處部案桶當作桶

稅梁上柱也諸侯藻為藻文也太平御覽居處部

附漢制度案漢制度之名不見于隋書經籍志續漢志補注引謝沈書曰太傅

胡廣博綜舊儀立漢制度蔡邕因以為志今羣書所引附于解詁之後

帝之下書有四一曰策書二曰制書三曰

詔書四曰誡勅策書者編簡也其制長二

尺短者半之篆書起年月日稱皇帝以命

諸侯王三公以罪免亦賜策書而以隸書

用尺一木兩行惟此為異也制書者帝者

制度之命其文曰制詔三公皆璽封尚書

命印重封露布州郡也詔書者詔告也其

文曰告某官云如故事誡勅者謂勅刺史

太守其文曰有詔勅某官他皆倣此後漢書光

武紀注太平御覽文部

天子出有大駕法駕小駕大駕則公卿奉

引大將軍驂乘太僕御屬車八十一乘備

誡令

千乘萬騎法駕公不在鹵簿唯河南尹執金吾洛陽令奉引侍中驂乘奉車郎御屬車三十六乘小駕太僕奉駕侍御史整車騎後漢書儒林傳序注

人君之居前有朝後有寢終則制廟以象朝後制寢以象寢光武都洛陽迺合高祖以下至平帝為一廟藏十一帝主于其中元帝次當第八光武第九故立元帝為祖廟後遵而不改後漢書光武紀注

列功德優盛朝廷所敬異者賜特進在王

公下不在車騎下續漢志補注

是為猥諸侯續漢志補注

戎立車以征伐續漢志補注

春秋左氏傳有南冠而縶者則楚冠也秦滅楚以其君服賜執法近臣御史服之續漢志案以下四條俱引作胡廣說

高山冠蓋齊王冠也秦滅齊以其君冠賜近臣謁者服之續漢志

趙武靈王效胡服以金璫飾首前插貂尾
為貴職秦滅趙以其君冠賜近臣

續漢志

意謂北方寒涼以貂皮煖額附施於冠因

遂變成首飾

續漢志補注

程